

71 Póst- og farþegaflutningur er undanþeginn gjaldi þessu.  
16. maí Þrjár síðari málsgeinarnar haldist óbreyttar.

Reglugerð þessi staðfestist hér með samkvæmt lögum nr. 76 14. nóvember 1917 til að öðlast þegar gildi og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 16. maí 1944.*

**Vilhjálmur Þór.**

*Vigfús Einarsson.*

72  
16. maí

## SAMÞYKKT

### um lokun sölubúða í Ólafsfjarðarkauptúni.

#### 1. gr.

Sölubúðum í Ólafsfirði skal lokað eftir því, sem ákveðið er í 2., 3. og 4. gr. samþykktar þessarar.

#### 2. gr.

Á mánudögum, þriðjudögum, miðvikudögum og fimmtudögum skal sölubúðum og sölustöðum lokað eigi síðar en kl. 6 síðdegis, á föstudögum eigi síðar en kl. 7 síðdegis og á laugardögum eigi síðar en kl. 4 síðdegis, og eigi opnaðar aftur fyrr en kl. 9 árdegis næsta virkan dag. Þó skulu vera þær undantekningar, er nú skal greina.

Aðfangadag jóla og gamlárskvöld skal sölubúðum lokað eigi síðar en kl. 4 síðdegis. Síðasta virkan dag fyrir aðfangadag jóla skal heimilt að halda opnum sölubúðum til kl. 11 síðdegis.

Á tímabilinu frá 15. júní til 15. september skal á laugardögum loka sölubúðum eigi síðar en kl. 1 síðdegis.

Ef skortur er á eldsneyti eða ljósmeti í kaupúninu eða útlit fyrir að skortur geti orðið á því, þá er hreppsnefnd heimilt að ákveða að sölubúðum skuli um lengri eða skemmri tíma lokað fyrr eða opnaðar seinna en samþykkt þessi ákveður.

#### 3. gr.

Almenna helgidaga þjóðkirkjunnar, sumardaginn fyrsta, 1. maí, 17. júní, fyrsta mánudag í ágúst og 1. desember mega engar sölubúðir vera opnar.

#### 4. gr.

Frá ákvæðum um lokun sölubúða í samþykkt þessari skulu enn fremur þessar undantekningar.

Brauð- og mjólkursölubúðum má halda opnum á almennum helgidögum, sumardaginn fyrsta, 1. maí, 17. júní og 1. desember frá kl. 10 f. h. til kl. 2 e. h., eingöngu til sölu á brauðum, mjólk og mjólkurvörum.

Ákvæði samþykktarinnar ná ekki til lyfjabúða.

#### 5. gr.

Eftir lokunartíma sölubúða er óheimilt að selja á strætum og torgum eða annars staðar utan sölubúða kaupmanna nokkurn þann varning, sem ekki má selja nema samkvæmt verzlunarleyfi. Heimilt er þó að selja einnig á þeim tíma kol, salt, veiðarfæri og vistaforða handa skipum, og sömuleiðis er leyfilegt að taka á móti innlendum vörum aðkomumanna í geymsluhúsum verzlana.

## 6. gr.

72

Þá, sem komnir eru inn í verzlun fyrir lokunartíma, er heimilt að afgreiða eftir 16. maí að lokað er.

## 7. gr.

Lögreglustjóra er heimilt, þegar sérstaklega stendur á, að veita undanþágu frá samþykkt þessari fyrir einstaka daga og til þess að sala fari fram í góðgerðaskyni eða ágóða fyrir stofnanir og fyrirtæki, sem að dómi lögreglustjóra horfa til almenningsheilla.

## 8. gr.

Brot gegn samþykkt þessari varða sektum, 20—500 krónum, og renna sektirnar í sveitarsjóð. Mál út af brotum á samþykkt þessari skal reka sem almenn lögreglumál.

Samþykkt þessi, sem gerð er af hreppsnefnd Ólafsfjarðarhrepps, samkvæmt lögum nr. 17 1. febrúar 1936, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

*Félagsmálaráðuneytið, 16. maí 1944.*

**Björn Þórðarson.**

*Páll Pálmason.*

Staðfesting ríkisstjóra á skipulagsskrá fyrir „Skógræktarsjóð Gnúpverja“, út- 73  
gefin á venjulegan hátt að mandatum af dómsmálaráðherra 16. maí 1944. 16. maí  
Skipulagsskráin er þannig:

## SKIPULAGSSKRÁ

### Skógræktarsjóðs Gnúpverja.

## 1. gr.

Sjóðurinn heitir Skógræktarsjóður Gnúpverja, og er stofnaður af gjöfum til Búnaðarfélags Gnúpverja á 100 ára afmæli þess, 6. júní 1943.

## 2. gr.

Stofnfé sjóðsins er gjöf Búnaðarsambands Suðurlands, 500 — fimm hundruð — krónur, svo og gjöf frá ónafngreindum manni, 100 — eitt hundruð — krónur, afhentar þennan afmælisdag. Tekjur sjóðsins eru, auk tilfallandi vaxta, gjafir og áheiti, er honum kunna að áskotnast.

## 3. gr.

Tilgangur sjóðsins er að stuðla að aukinni skógrækt í Gnúpverjahreppi, eftir því, sem geta sjóðsins leyfir á hverjum tíma, t. d. með því að styrkja menn til þess að koma upp skrúðgörðum og skógarreitum eða verðlauna slíkar framkvæmdir eða á þann hátt annan, sem stjórn sjóðsins kveður á um.

## 4. gr.

Stjórn sjóðsins skipa þrjú menn. Einn kosinn á aðalfundi búnaðarfélagsins, og er hann formaður stjórnarinnar, annar kosinn á aðalfundi ungmennafélagsins og sá þriðji á aðalfundi kvenfélagsins. Stjórnin er kosin til eins árs í senn. Leggist þessi félag niður, kvenfélagið og ungmennafélagið, skulu allir mennirnir kosnir á aðalfundi búnaðarfélagsins.